



UNIVERSITÄTS-
BIBLIOTHEK
PADERBORN

Hortulus Biblico-Moralis Et Asceticus


Pappus von Tratzberg, Franz

Ulm, 1725

Doctrina 1. Desumpta ex cap. 1. lib. Esther, in quo describitur Asvery
convivium & Gloria. Vasthi inobedientia & repudiatio.

[urn:nbn:de:hbz:466:1-61252](#)

ipsam, cuius Castitatem admiraris, in hoc capite tibi adeo deprædicatam. Hæc teste S. Scripturâ c. 8. lib. in superioribus Domûs sua fecit sibi secretum cubiculum, in quo cum pueris suis clausa morabatur, habens super lumbos suos cilicium, jejunabat omnibus diebus vita sue. Talia tu quoque arma accipe, & vinces auditurus aliquando in tui laudem, quod dictum est de Judith loco citato: viriliter egisti. Victorque cantabis cum illa Canticum, quod nemo cantabit aliis, nisi qui suæ carnis Victor Victorem agnum fuerit secutus. Vives demum cum Populo, qui juxta caput ultimum hujus libri est jucundus secundum faciem sanctorum, diesquæ Victoriae tue in numero dierum sanctorum accipietur &c.



FASCICULUS LIX.

Doctrinarum Moralium & Asceticarum.

Doctrina I.

Desumpta ex cap. 1. lib. Esther, in quo describitur Assveri convivium & Gloria. Vashti inobedientia & repudiatio.

Considera: **G**rande illud Convivium, ab Assvero centum & vi- N.386.
ginti septem Provinciarum Rege institutum, sym-
bolum esse Gloriæ & felicitatis æternæ, quæ ab ipso
Christo Domino Convivium vocatur Lucæ 22. v. 30. testante hoc
pariter Isaiâ, dum cap. 25. asserit: & faciet Dominus Exercituum Populis
in monte hoc Convivium pinguium, convivium vindemie, pinguium medullatorum.
Quidquid in dapibus ex fæccaro aut melle confeccis dulce est, in feri-
nis carnibus delectabile, in avibus palato acceptum: imò quidquid
tandem sapore suô recreandæ poterit gulæ servire, mensa cœlestis
suis hospitibus offerret; quia omnem dulcedinem formaliter vel
eminenter in se possessam exhibet ille, qui primarium hujus convi-
vii objectum est Deus. Torrente Voluptatis potabis eos, exclamat Michæas,
inebriabuntur ab ubertate Domûs tue. Nulla ergo erit hominis potentia,
quæ non spesiali gustu & Voluptate sit persfruitura. Intellectus divi-
nô
Sss 3



no illustratus lumine recreabitur in contemplandis divinæ Essentiaæ Perfectionibus, visurus: quomodo Filius à Patre, & ab utroque procedat Spiritus. Visurus Incarnationem verbi & omnia humanæ Redemptionis opera. Visurus media, quæ Dei selegit sapientia in Prædestinatione ad gloriam &c. voluntas delectabitur in perfecta unione, quæcum per charitatem affequetur, Deo conjuncta. Memoria absorbebitur ab immenso Divinitatis pelago, omnium æruminarum oblivionem æternum habitura. Quemadmodum enim ebrietas non tantum replet stomachum, sed fumō caput implet, faciens hominem omnium curarum oblivisci, ita gloria cœlestis omnem abigit tristitiam, omnem expellit mœorem, adeò: ut S. Augustinus testetur: si contingeret, unicam tantummodò guttam Beatitudinis æternæ defluere in damnatorum poenas, eā dulcedine perfunderet gehennam, ut nullum restaret ultrâ tormenti genus, quod afficeret damnatos. Adeoque evanesceret omnis memoria præteriorum lapsuum, quam damna tis conscientiæ vermis continuo objicit. Evanesceret memoria perditi temporis, neglectæ occasionis, spretæ gratiæ, quæ damnatos lengè acerbius ipsò infernali igne excruciat. Hospites cœlestis illius convivii haud secus ac hospites Assveri sedebunt in lectulis aureis & argenteis super pavimentum smaragdinô & pario stratum lapide inexplicabilè quiete fructuori, prout ait Richardus à S. Victore p. 2. in Cant. c. 10. Quæ quies lectulus dicitur, quia ab illa ab omni inquietudine & labore hujus vita pausatur, in illa quiete pausat, qui hic pro Deo laborarunt. Christiane Lector, dum legis ista, tantum umbraticè descripta, quid agis? tantæ eris dementiæ, ut Reginam Vasthi imiteris, quæ ad splendidissimum Assveri convivium invitata, venire contempnit teste S. Scripturâ v. 12. citati cap. hoc si feceris, gustu rerum terrenarum deceptus, egredietur edictum à facie Regis æterni, in quo scriptum leges: nequaque ultrâ Vasthi, anima videlicet tua, renuens per piam vitam venire ad cœleste convivium, ingrediatur ad Regem, sed Regnum illius altera, quæ melior est illâ, accipiat. v. 19. capit. præfati.

Doctri-